

四庫未收書輯刊編纂委員會編

四庫未收書輯刊

北京出版社

玖輯・陸冊

四庫未收書輯刊

四庫未收書輯刊編纂委員會編

北京出版社

〔清〕麟慶輯

黃運河口古今
圖說不分卷

清道光二十一年雲蔭堂刻本

玖輯・陸冊目錄

黃運河口古今圖說不分卷〔清〕麟慶輯

一

黃河圖黃河舊險工圖黃河新險工圖衆水歸淮圖運河圖

淮南諸河圖五水濟運圖不分卷〔清〕靳輔撰 崔應階刪補

二一

桑園圍總志十四卷〔清〕明之綱輯

四七

萬山綱目二十一卷〔清〕李誠撰

四一一

少林寺志二十二卷〔清〕葉封等纂 施奕簪等續纂

七〇五


〔清〕麟慶輯

黃運河口古今
圖說不分卷

清道光二十一年雲蔭堂刻本

蘭圃河工圖

戈載題



河口圖說序

治河難治河而兼治漕則尤難我

國家歲漕東南數百萬粟皆藉淮渡河而北上達

天庾顧河常強淮常弱非有人力以低昂之鮮克有濟所以三百

年來河口情形屢易而成此局也道光癸巳冬歲暮仰蒙

恩命簡調南河適當灌塘甫定之際議者蜂起且承

訓誡責復舊規履任後殫精竭慮思所以仰慰

宸厯乃親履河湖測量地勢高下詳詢古今情形考諸簡牘訪之

幕僚僉以爲灌塘雖非長策舍此現無良法因而悟今之不

能如昔猶昔之不能爲今也因時制宜人也而實天也爰率

所屬將塘之狹者廣之隄之卑者增之河淤也而加浚開壤

也而重修人事增勤規模粗備七年以來灌放空重漕船其

啓閉塘河四十八次幸得仰賴

聖主洪福適行無悞獨是袁江爲水陸衝衢冠蓋絡繹過客問疑

憚於口述因自前明至今考其沿革損益繪爲十圖圖繁以

說嗣得徐子仲庭灌塘說沈子香城河口說均於斯事互有

發明因并附錄于冊庚子春桃花水發防汛上游訪徐子於

白洋河執是編而就正之徐子以爲善勸付梓且曰漕治而


後河治非兩事也歸囑友人鍾子鑑之重加校訂聊以備後

之君子考核云爾

28-29

1.10.2019

玖輯 6-4




康熙十一年河口圖說

前明隆慶萬歷間黃河南徙上下數千里告決頻仍淮為黃
 過河口日淤於是淮湖相連匯成巨浸咸名之曰洪澤湖較
 之駱馬射陽不啻十倍

國初承明季敝壞之後河口民田皆成澤國其二義壩以上黃
 流分岔由新莊口下行之處乃康熙十一年決口由官亭蘆
 溝兩鎮之中下達安東漫流循南北潮河入海而安東境內
 之湖蕩亦復滄桑異迹矣

按黃河會淮入海黃趨而下潮擁而上海口兩岸積沙成
 灘數百年來所長之灘長數百里近海得水之區多生蘆
 葦蕩灘遼闊守望無助是以康熙三十八年總河于襄勤
 公以河工正料須備海疆防守當嚴題建葦蕩左右兩營
 左營居海州灌口之西右營居黃河尾間之南樵兵之外
 復設馬兵防河禦侮意甚深遠迨五十八年總河趙公世
 顯以蕩地產柴不旺請裁令兵墾地輪租遂漸為民間侵
 佔雍正四年總河齊憲勤公議請復設開除輪租海口迤
 東新長灘地不令民人影射報升其利甚溥洵可永遠弗
 替因述黃河下游而併記葦營原委於此




康熙十五年後河口圖說

康熙十五年河決宿遷之白洋河入淮又決清河之張家莊王家營安東之邢家口二鋪口山陽之羅家夏家呂家洪家賈家諸口時高堰亦倒卸三十餘處高寶江都漕堤共決三百餘丈

聖祖以河道敝壞已極乃罷總河王光裕以安徽巡撫靳輔督治之先於清江浦以下歷雲梯關至海口一帶河身兩旁各挑引河一道以待冲刷合為一河即以浚河之土築兩岸堤共長九萬五千餘丈又於雲梯關外兩岸各築堤長二萬八千餘丈以東水下游既疏乃塞上游並高堰諸口於清口嚴成平陸之處開張福口帥家莊裴家場爛泥淺引河四道引清敵黃不數年而河治其於運口也分爛泥淺之水二分濟運入分敵黃築運口起至惠濟廟後大營房止總長六百九十二丈十七年自新莊開西南開引河一道至太平草壩爛泥淺引河並移天妃廟於新河開所建通濟開又自文華寺東北永濟河頭起挑河一道引而南經七里開復轉而西南亦接之太平壩俱達爛泥淺河內兩渠並行互為月河以舒急溜修復七里開凡運艘並官民船隻俱出七里開至爛泥淺引河之上流下達清口入黃河以爛泥淺引河之上為運口二十三年建惠濟開於舊通濟開迤南三里以是開為運口後

又建大墩於頭草壩卽太平壩之西在三十以挑湖水三十年建
 天妃廟臨黃石工長三百四十七丈後又接建至大營房止
 長一百六十二丈四十一年又南至卞家汪止接建石工長
 八十四丈卞家汪天妃廟臨黃石工歷年淤淤致形卑
 按清河縣志運口有七里開明嘉靖年建引淮水以達漕
 運後以河水南侵開底淤澱又河防志載明時以運河淺
 阻於郡城東南運河西岸楊家廟浚永濟河舊渠別開新
 河直達文華寺南與正河合後正河通利遂廢似卽七里
 開河因旁近七里墩是以新文襄公浚河云自淤高明季
 舊河起謂是嘉靖時所建開河也



致輯 6-7

康熙三十四年後河口圖說

康熙三十四年建永濟開於泰山墩北與惠濟開相望亦通
運按永濟開地即明萬曆開潘官保移建通濟開處三十七
年康熙十七年建東西壩於風神廟前以束清禦黃三十八年


聖祖仁皇帝南巡臨視河口以黃河直抵惠濟祠前始折而東下過
近清口易致倒灌乃令侍衛肩椿釘立即於其處建挑水大
壩挑溜北趨土人咸戴至今呼爲

御壩壩尾土堰直接南首縷堤又自張廟口運河縷堤尾起至西壩
止築臨清東水堤長五百二十八丈又建惠濟祠旁運河西
岸磚工三次共長二百六十四丈自三十四年以後海口創

築欄黃壩令黃河出馬港口入海去路不暢上游壅高河口
頻年倒灌復又淤成平陸淮不北出者數年三十九年張文
端公由兩江移任河督首拆海口欄黃壩次大開清口開引
河七道引湖水暢出刷黃四十年於運口爛泥淺之下舊大
墩至太平草壩築欄湖堤長一百四十丈內外排椿廂埽並
築新大墩於舊墩之西逼清七分敵黃三分濟運大墩之下
建築頭壩以束水四十一年自武家墩北接臨湖堤長七百
七十丈在三漢河處建石碶一座名濟運壩相時啓閉引三漢河
之水由文華寺入運河濟運四十二年自

御壩起至東西壩止又築臨黃順水堤一道四十六年以天妃廟壩

深窪築壩欄截移運口於頭草壩之北如重運過完將頭草
壩煞斷令清水全入黃河俟回空船到再啓止留三漢河清
水仍由文華寺入運河




乾隆三十年前河口圖說

康熙四十九年改建永濟閘爲惠濟越閘雍正十年移建惠濟閘於二草壩下即今之正閘也乾隆二年總河高文定公移運口於舊口之南七十五丈即今之運口也建頭壩於運口之內迤下又建二三壩互相掣托各留金門寬四丈以節清水又因洪湖水高運河水下每遇汎漲下游淮安高寶一帶輒平槽滿岸欲使運河無險患當使運口有關鎖現在運口內止有草壩三座及惠濟正越石閘各一座議於惠濟正越兩閘之下各建草壩三座迤下酌量遠近再建正越石閘各二座閘下各建草壩三座層層關鎖以減運河水勢並因舊河下段西黃東運中隔一線沙堤大汎水漲甚屬危險乃自張王廟前接舊河起至龐家灣下開正越新河一千六十入丈穿永濟河頭接入舊河以挑河之土築東堤新河之內建通濟福興正越四閘而將舊運口築堤攔截計水入運口由三草壩東行過老鶴嘴至余家壩折而北經惠濟越閘之上歷北裏頭而西抵惠濟正閘今逾百年空重運行循由不易而前明至雍正年間歷次創建堤河閘壩悉皆置之五年用州同李嗣議建木龍五架於

御壩之西挑溜北趨陶莊八年自運口頭南壩起至濟運壩止築臨湖堤一道長一千四百七十八丈十年建雙孔涵洞於通濟

開下東堤備清水盛漲時洩入護城河護城河本分承清河
水自挑新河穿承清
河頭故於東堤復十二年因運口西岸張福口迤西黃河
建涵洞以資分洩
堤南湖北黃湖水嘴堤乃自舊四堡至七堡於堤身南面建
磚工長一千丈十八年又自七堡至十堡接建磚工一千二
百二十丈二十四年將高堰界西臨湖堤長七百七十七丈並
建磚工二十七年接前工往西又建磚工五百九十八丈三
十六年又往西接建磚工九十二丈從此河口臨湖一面並
運口之內工程周密防範稍易惟於黃溜東注專致功焉




乾隆四十一年河口圖說

河口情形自康熙十六年至乾隆四十年前歷次創建改移
翠華屢幸指示河臣因時補苴業已盡善而黃流勢強時虞倒灌乾
隆四十一年督河南院勘議於黃河北岸陶莊迤上開河一
道至周家莊會清東注既可越過惠濟祠遠避清口倒灌之
路而周家莊迤下兩岸灘面尙寬離堤較遠距中河陽莊運
口尙有三百五十丈溜向東趨形勢較順奏准辦理計挑河
長一千六十丈黃河既移行陶莊新河乃將清口東西束水
壩改建於平成臺下移一百六十丈四十二年奏放新河並
於舊河內築欄壩長一百三十丈爲清黃界壩堵截斷流得

旨嘉獎並令建河神廟又自欄黃壩南壩頭起至


御壩順水堤止築欄堰長一百四十丈又自欄黃壩後起至順水壩
尾止築捍堤一道長二百丈又自欄黃壩北尾起至河尾止
於新河之南築束水堤一道長八百九十一丈又於欄黃壩
之外築土埽壩一道長一百三十丈名順黃壩以爲重障焉



乾隆五十年河口圖說

乾隆四十二年總河薩誠恪公議挑新河既成四十三年將
欄黃壩順黃壩中間水塘填平從此二資劃分清水出口直
至彭家馬頭始與黃灘意從此可無倒灌詎料伏秋異漲又
即淤墊阻漕四十四年又因清水過弱接臨清水水堤尾起
至新河南岸堤尾止築東水堤長六百九十二丈又改建東
西東水壩於惠濟祠前下移二百九十九丈四十六年築東西
兜水壩於清口風神廟前夏展冬接旋因豫省青龍岡失事
黃灘斷流四十九年河歸故道南趨倒灌五十年清口竟為
黃流所奪

欽差阿文成公來江籌勘議以清口之兜水壩與東清相宜每年
照舊拆築改名東清壩其舊有之東西東水壩應再下移三
百丈於惠濟祠後福神庵前建築名禦黃壩如遇黃水過大
將口門收窄清水過大將東清壩拆展此壩亦一律展拓並
將東壩做長以攔黃水迺溜西壩做短使清水直出抵黃如
此則外有東西壩禦黃內有兜水壩東清無論水大水小之
年相機拆展收束可期應手得力垂今六十餘年河尾淤灘
漸長清黃交會之處愈遠雖因河底墊高倒灌仍所不免而
清口西岸一帶昔為黃溜經行之地今則民居稠密情形迥
異矣



嘉慶十三年河口圖說

乾隆五十年後河口情形無所更易而每遇汎漲上游轉啓毛城鋪天然開峯山四圍祥符五瑞二關謂減黃助清爲得計而下游河底墊高實已暗受其病遂至嘉慶年間先上後下潰決頻仍黃強則倒灌以淤湖運兩力相抵則淺阻空重運行百計籌措每形棘手嘉慶九年尙書姜公展河東總河徐公端會同總督鐵公保總河吳公敬通籌全局又將束清壩移建於頭壩之南湖水會出之處築東西兩壩每年相機展束又於禦黃壩下三百八十丈高家馬頭西岸河尾斜築挑壩挑黃北趨兼過倒漾東岸亦築壩與西岸相望名新禦黃壩兩壩共長三百丈每年以時拆築黃水過大亦有時堵閉十三年湖河並漲六月風暴掣通臨湖堤二段在運口三南壩之後遂於臨湖築柴土圍堰一道長四百七丈外以碎石包護

二十年至道光元年又接前南至裡經交界處至東清壩尾砌碎石坦築於磚工之外長一千六十四丈

